

SVT-Schnitzelbank

Refrain:

Schiffli Fahre ufem See – Chame schöni Sache gseh!
Jolle, Jachte, Luv und Lee – loos guet zue und lach no meh!

Gratulationsspruch:

75 isch no kes Alter (Kecke Seglerin)
Wenn d'Juniorinne gsehst, Opa, gäll das gfalt dr!

Zum Clubhuus und drum ume

Am Clubhuus stört Euch s'eint und s'ander (Hotel-Schild)
Drum schloon ig vor: Näht s' lääre Alexander

Wo häre mit dene trennte Garderobe? (Kleiderbügel)
Hinde, vorne, oder unde oder obe?

Trockeplätz hei so ihre Tücke (Wasserfontäne)
Im Mai drückt öppe einisch s'Wasser dr d'Lücke!

Ämtli, Pflichten und Engagement

Dr Sven isch üse nöii Präsident (Turnschuhe)
Hälfe mir ihm, dass är nid für alls alleini rännt!

A rari Gattig si alt-Präsidente (Schwanen-Schiff-Bild)
Von dene gits fasch weniger als Schiff mit Änte

Mit füfesibzgi finanziell gut im Strumpf, im Grosse und Ganze (Sparstrumpf)
Jetz leugt, wie vorher d'Margrit, d'Renata sträng zu de Finanze

W-Lan, Webcam, Website mit Blog und Windstärchemesser (SVT online)
Zum Glück giits dr Remo, vo üüs chönnt das kene besser

Ämtli hättis immer gnue zum übernäh (Schwarz Peter)
Weme die Chöge nach ara Amtszyyt nume chönnti wiitergäh

Liegeplätz-Verwalter und syt Johre Aktuar (Aktenberg)
Peter, mei seids viel zwenig – Du bisch eifach wunderbar

Viel het si gmacht, die gueti Vorstands-Seel – wüset Ihr no? („Trocken-Seglerin“)
Drum isch d'Margrit Knöpfli sälber chuun je ufs Wasser cho.

Dr Berni Fischer het zwar weder Amt no Pflichten (Schrubebzieher)
Bi de Juniore aber sofort drbii und zur Stell – wenn's öppis git z'richte.

SVT-Schnitzelbank

Vo de Schiff und ihrne Sägler

I de Medie staats, vielech gits au scho Bilder uf Flicker (Schlüsselloch)
Dr Josef segi ufem Zürisee dr gröschti Meile-Ficker

Nid alli Schiff - und do druuf wetti (Boje)
Chöme im Johr hüüfig gnue ab ihrer Chetti

D H'Boot Crew isch zrugg vom Meer (Lisa am Steuer)
Au d'Lisa hets gnosse – sogar sehr!

Vo den erste, dänki, ir ganze SVT
Si dr Geni mit dr Fritz übere Teich im Rahme vonere ARC (Palme)

Dr René – Böni säge si nem cool (Joker-Zeichen)
Isch dr Initiant gsi vom erfolgriiche Joker-Pool

Dr Carsten schrulpt und poliert, Rued kennt er ned (Tanzpaar)
Bis s' Joker-Deck spieglet wie's Parkett vo Ginger und Fred

Weme ne so aaluegt, het me z grächtem Zwiefel (Cowboy-Stiefel)
Aber är seg dr ältisch, üse Bert Stiefel

Vo de Juniorinne und Juniore

Ob SM, EM, oder sogar Olymia (SVT-Stander)
S'blaue Fläggli, sötten alli mit Stolz ghisset ha

Ar GV do koche zu üsem Gnuss d Juniore (Kochtopf)
(S'het sech umgsprache:) S'nächscht Johr chöme de d'Gaut-Millaut-Jurore

D'Fiona erklärt ar GV klipp und klar (Klartext)
Die Junge bruche hüt meh Platz – nid i zwäzg Jahr!

D'Nora und Giulia chöme ume ir Wält (Europa)
Regatte z'Portugal und z'Belgie, WOW das zält!

Usem Jahresprogramm

D'Männerfahrt gaat hüür über Stäfe nach Rappi (Ein Papi mit Söhnen)
Gäll, nämet au d'Söhn mit – Ihr Sägler-Pappi!

Sunset Race – verstöht mi richtig (Thalwiler, Tagi, NZZ)
S'räggnet wider am Fritig – do bliib i br Zyttig!

Sägle tüe mir alle, doch ei Frog macht d'Runde (Ricola)
Wie isch es früecher gsi? Wär het's erfunde?

Merci de Organisatore vom Jubi-Fescht (Blumenstraus)
Vo de Teilnähmer her, im Jahresprogramm als Aalass dr best!